



Broj: 03/1-50-14-7-11-10/15
Sarajevo, 3.11.2015.

PREDMET: Informacija o posjeti članova Zajedničke komisije za odbranu i sigurnost BiH Sektoru za zaštitu i spašavanje Ministarstva sigurnosti BiH, 5.10.2015.

Članovi Zajedničke komisije za odbranu i sigurnost BiH (u daljnjem tekstu: ZK) posjetili su, 5.10.2015., Operativno-komunikacijski centar 112 koji je u sastavu Sektora za zaštitu i spašavanje Ministarstva sigurnosti BiH.

U delegaciji ZK bili su: Šemsudin Mehmedović, Bariša Čolak, Hanka Vajzović, članovi ZK i Željko Grubešić, stručni savjetnik.

Sastanku s članovima ZK u Operativno komunikacijskom centru 112 prisustvovali su: Samir Agić, pomoćnik ministra, Samir Huseinbašić, Idriz Brković i Aleksandar Mandić, državni službenici iz sastava Sektora za spašavanje kao i kompletna smjena OK centra 112.

Realizacija ove posjete obavljena je u sklopu pripreme 5. sigurnosne konferencije koja će, u organizaciji Zajedničke komisije za odbranu i sigurnost BiH, biti održana 4. i 5. 11. 2015.

U razgovoru sa članovima Zajedničke komisije, pomoćnik ministra sigurnosti za zaštitu i spašavanje Samir Agić sa svojim saradnicima predstavio je Operativno-komunikacijski centar 112, te prezentirao pregled stanja, obaveza i rezultata Ministarstva sigurnosti BiH u sistemu zaštite i spašavanja Bosne i Hercegovine.

Članovi Zajedničke komisije upoznati su s propisima u oblasti zaštite i spašavanja, kao i s međunarodnom saradnjom u ovoj oblasti, a razgovaralo se i o strukturi sistema zaštite i spašavanja i o funkcionalnim aspektima tog sistema. Predstavници Ministarstva sigurnosti BiH prezentirali su članovima Zajedničke komisije sadašnje i predstojeće obaveze, te perspektive daljnjeg razvoja sistema zaštite i spašavanja u našoj zemlji.

Zajednički je konstatirano da su, usvajanjem Okvirnog zakona o zaštiti i spašavanju ljudi i materijalnih dobara od prirodnih i drugih nesreća, danas u Bosni i Hercegovini stvoreni

formalno-pravni preduslovi da se predstavnici ovog centra na vrijeme suprotstave svim izazovima koji pred njima stoje kada je riječ o elementarnim nepogodama u našoj zemlji.

Pripadnici Centra 112 istakli su da su, u procesu zaštite i spašavanja, proteklih godina najveći problemi nastajali tokom učestalih požara u ljetnom periodu, kao i velikih snježnih padavina tokom zime, te upozorili na to da u nekim slučajevima, zbog nedostatka tehničkih sredstava, nisu bili u mogućnosti u potpunosti odgovoriti izazovima sprečavanja posljedica ovih nepogoda.

Osvrćući se na težak period koji su imali tokom prošlogodišnjih majskih poplava, a koje su odnijele 22 ljudska života, pripadnici Centra istaknuli su uspješnu civilno-vojnu saradnju s Ministarstvom odbrane BiH i Oružanim snagama BiH u procesu zaštite i spašavanja ljudi i materijalnih dobara.

Zaključeno je da se ubuduće, nakon izbijanja vanrednih situacija, s daleko većom ozbiljnošću moraju angažirati sve raspoložive ljudske snage i materijalno - tehnička sredstva, te naglašeno da proces saradnje i koordinacije aktivnosti ovog centra sa štabovima civilne zaštite na nižim nivoima vlasti u BiH mora biti na visokom nivou.

Tokom razgovora s pripadnicima Sektora za zaštitu i spašavanje razgovarano je i o problemima u koordinaciji aktivnosti s entitetskim strukturama Civilne zaštite na što se mora obratiti pažnja u narednom periodu kao i na problem rada Koordinacionog tijela BiH za zaštitu i spašavanje koje je 18.9.2012. formiralo Vijeće ministara BiH.

Član Zajedničke komisije

Šemsudin Mehmedović

Dostavljeno:

- naslovu
- a/a